



石倉十二代詩選

唐卷之九十四

方外四

明候官曹學佺閱

釋護國

江南人
大曆僧

歸山作

誼靜各有路偶隨心所安縱然好朝市終不忘
林巒四皓將拂衣二疎能挂冠窗前隱逸傳每
日三時看斲尚那可論屈原亦可歎至今黃泉
下名及青雲端松牖見初月花間禮古壇何處
論心懷世上空漫漫

別盛安

情人取次幾淹留別後南州與北州月色爲憐
今夜客砧聲那似去年秋欲除豺虎論三略莫
對雲山詠四愁親故相逢休借問古來無種是
玉侯合首韻

逢靈道士

浮丘山上見黃冠松栢森森步古壇一莖青竹
以爲杖數顆仙桃仍未餐長安市裏方賣卜武
陵溪畔每燒丹縮地往來無定所花源到處路

漫漫

傷蔡處士

篋中遺草是琅玕對此空令灑淚看三逕尚餘
行迹在數螢猶是映書殘晨光不借泉門曉暝
色惟添隴樹寒欲問皇天天更遠有才無命說
應難

訪雲母山僧

森然古巖裏淨行一番僧松下瀘寒水佛前燒
夜燈蓮花國土異貝葉梵書能想到空王境無

心問愛憎

題王班水亭

湖上見秋色曠然如爾懷豈惟歡隴畝兼亦外
形骸待月歸山寺彈琴坐暝齋布衣閒自貴何
用謁天階

許州鄭使君孩子

毛骨貴天生肌膚片玉明見人空解笑弄物不
知名國器嗟猶小門風望益清抱來芳樹下時
引鳳雛聲

月當愴故人舊居

惆悵至日暮寒鴉啼樹林破階苔色厚殘壁雨
痕深命與時不遇年為病所侵空餘行逕在令
我歎人琴衰草凋如月早心深味怪歷歷空
南望臨川道中
出谷入谷路回轉秋風已至歸期晚舉頭何處
望來蹤萬仞千山鳥飛遠

蘇清塞
畱辭杭州姚合郎中會前
護國卷九十四
三
云

波濤千里隔抱疾亦相尋會宿逢高燒辭歸值
積霖叢桑山杏迴孤燭海船深尚有重來約知
無省閣心

出谷送分定歸靈夏風

南遊多老疾見說講經稀塞寺幾僧在關城空
自歸帶河衰草斷映月旱沙飛却到禪齋後邊
軍識衲衣

酬吳之問見贈

已當鳴雁夜多事不同居故疾離城晚秋林見

月疎趁鐘關靜戶帶葉卷殘書盪槩期南去荒

園久廢鉏

西郊冬日山居思鄉

太野始嚴凝雲天曉色澄樹寒稀宿鳥山迥少
來僧背日收窗雪開爐釋硯冰忽然歸故國孤
想寓西陵

送耿山人歸湖南

南行隨老僧舊業一池菱兩鬢已垂雪五湖歸
挂簪夜濤鳴柵鎖寒葦露船燈此去應無事却

來期未能

南齊柏巖禪師

野寺絕依念空山曾徧行
老來披衲重病起讀
經生乞食嫌村遠尋溪愛路平
多年柏巖住不
識柏巖名

宿開元寺樓

西峰殘日落誰見寂寥心
孤枕客眠久兩廊僧
話深寒扉關雨氣風葉隱
鐘音此愛東樓望仍
期別夜尋

留別南徐故人

三年蒙見待此次是前程
未斷却來約且伸臨
去情潮回灘鳥下月上客船
明他日南徐道緣
君又重行

春日重至南徐舊居

綠水陰空院春深喜再來
獨眠從草長畱酒看
花開過雨遠山出向風
孤鳥回忽思秋夕事雲
物却悠哉

題何氏池亭

信是虛閒地 亭亭亦有苔 繞池逢石坐 穿竹引
山回 果落纖萍散 龜行細草開 主人偏好事 終
不厭頻來

絲水贈慶餘投書喜再來

風泉盡結冰 寒夢徹西陵 越信楚城得 遠懷中
夜興樹停沙 島鶴茶會石 橋僧寺閣連 官舍行

吟過幾層

尋北岡韓處士

相過值早涼 松帚掃山房 坐石泉痕黑 登城薜

色黃 逆風沈寺磬 初日耀鄰桑 幾處逢僧說 期

來宿北岡

逢播公

帶酒稀相見 西城早晚來 衲衣風壞帛 香印雨

沾灰 坐久鐘聲盡 談餘嶽影回 却思同宿夜 高

枕話天台

入靜隱寺途中作

亂雲迷遠寺 入路認青松 鳥道緣巢影 僧鞋印

雪蹤 草煙連野燒 溪霧隔霜鐘 更遇樵人問 猶

言過幾峰

玉芝觀王道士

四面松杉合空堂
 畫老仙靈根停雪
 水曲角積
 茶煙道至機心盡
 宵清琴韻全暫來
 還又去不得坐經年
 帶雨出關後寄賈島
 故國知何處西風已
 度關歸人值落葉遠
 路入寒山多難喜相
 識久貧寧自閒惟將
 來往信遙慰別離顏

麻密春喜友人至山舍

鳥鳴春日晚喜見竹門開
 路自高巖入人騎瘦馬來
 折花林影動移石澗聲回
 更欲留深語重城暮色催
 憑南嶽孤雲蓋林剋宿文
 衣不示此山水書實上人
 房遊又登卦州春背孤
 絕頂言無伴長懷落髮師
 齋歸門掩雪講徹樹生枝
 沙井泉澄疾秋鐘韻盡遲
 里中還受請又爽赤城期

歷代詩選 唐穆宗
暑消岡舍清閒語有餘情石水生茶味松風減
扇聲遠分臨海雨靜覺掩山城此地秋吟苦時
來遶菊行泉空幾水餘餘盡數里中
送表兄東南遊
山水疊層層吾兄涉又登挂帆春背雁尋聲
逢僧雪溜懸南嶽江雲蓋秣陵評文永不忘此
說是中興林

晚秋江館寄姚郎中

病寄曲江居帶城傍門孤柳一蟬鳴澄波月上

見魚擲荒逕葉乾聞犬行越島夜無侵閣色寺
鐘閒有隔源聲故園賣盡休歸去湖水秋來空
自平

同處士秋懷少室故居

曾居少室黃河畔秋夢長懸未得回扶病半年
離水石思歸一夜隔風雷荒齋幾遇僧眠後野
菊頻經鹿踏來燈下此心君共說傍松幽宅幾
多苔

寄新頭陀

見說北京尋祖後，瓶盂自挈遶窮邊。相逢竹塢
 晦暝夜一別，苕溪多少年。遠洞省穿湖底過，斷
 崖曾向壁中禪。青城不得師同住，坐想滄江意
 浩然。

湘漢旅懷傑公

一室空江聽急流，仍同賈客坐歸舟。遠書來隔
 巴陵雨，衰髮去經彭蠡秋。不擬為身謀舊業，終
 期斷穀隱嵩丘。吾宗尚作無家者，中夜廢吟生
 旅愁。

寄韓司兵

多病十年無舊識，滄州亂後始逢君。已知罷秩
 辭瀧水，相勸移家住嶽雲。泗上旅帆侵疊浪，雪
 中歸路踏荒墳。更為此別愁應老，書劄何由到
 北軍。

贈厲玄侍御

山松徑與瀑泉通，巾舄行吟想越中。塞雁去經
 華頂末，鄉僧來自海濤東。關分河漢秋鐘絕，露
 滴彌猴夜嶽空。抱疾因尋周柱史，杜陵寒葉落

無窮

送韓評事

門枕平湖秋景好
水煙松色遠相依
罷官餘俸租田種
送客回舟載石歸
離岬遊魚逢浪返
望巢寒鳥逆風飛
嵩陽舊隱多時別
閉目閒吟憶翠微
留韻旅貲更無此
眼愁憑字書歸
何由報識宿隱靜
寺上方
一宿五峰杯渡寺
虛廊中夜磬聲分
疎林未落上方月
深澗忽生平地雲
幽鳥背泉栖靜境
遠

人當燭想遺文暫來此地歇
勞足望斷故山滄海濱

送宗禪師

衡陽一別十三春
行脚同來有幾人
老大却思歸嶽寺
當時來漆祖師身

送蜀僧

萬里獨行無弟子
惟齊筇竹與檀龕
看經更向吳中老
應是山川似劔南

過僧竹院

清寒 卷九十四 吳

一生愛竹自未有每到此房歸不能高人留宿
話禪後寂寞雨堂空夜燈

送僧

草屨初登南客船銅餅猶貯北山泉
衡陽舊寺秋歸後門鎖寒潭幾樹蟬

文益

觀木平和尚

木平山裏人貌古言復少相看陌路同論心
秋月皎壞衲線非蠶助歌聲有鳥城關今日來

漚曾已曉

看牡丹

擁毳對芳叢由來趣不同髮從今日白花是去
年紅艷色隨朝露馨香逐晚風何須待零落然
後始知空

可止

山居

雪消春力展花漫洞門垂果長纖枝曲巖崩直
道移重猿圍淺井闢鼠下疎籬寒食微燈在高

歷代詩選 唐雅可止

風勢徹陂

送僧

四海無拘繫行心與自濃百年三事衲萬里一枝筇
夜滅當時影春消過雪蹤白雲深處去知宿在何峰

哭賈島

燕生松雪地蜀死葬山根詩僻降今古官卑悞子孫
塚闌寒月色人哭苦吟魂暮雨滴碑字年年添蘚痕

清江

大曆時人與章八元偕和

夕次襄邑

何處戒吾道經年遠路中客心猶向北河水自歸東
古戍鳴寒角疎林振夕風輕舟惟載月那與故人同

嚴秘書宅會章八元

佳期曾不遠甲第卽南隣惠愛偏相及經過豈厭頻
秋寒林葉動夕霽月華新莫話羈栖事平原是主人

送堅上人歸杭州天竺寺

十年勞負笈經論化中朝
流水知鄉近和風惜別遙
雲山零夜雨岬浦上春潮
歸卧南天竺禪心更寂寥

送贊律師歸嵩山

禪意歸心急山深定易安
清貧修道苦孝友別家難
雪路侵溪轉花宮映嶽看
到時瞻塔暮松月向人寒

上都訓童十八兒

每歎經年別人生有幾年
關河長問道風雨獨隨緣
寓蝶成莊夢懷人識禰賢
微猷不及此空愧白華篇

湘川懷古

瀟湘連汨羅復對九嶷河
浪勢屈原塚竹聲漁父歌
地荒征騎少天暖浴禽多
脉脉東流水古今同奈何

精舍遇雨

空門寂寂淡吾身溪雨微微洗客塵
卧向白雲

情未盡任他黃鳥醉芳春

法照

送無著禪師歸新羅國

萬里歸鄉路隨緣不算程
尋山百衲敝過海一杯輕
夜宿依雲色晨齋就水聲
何年持貝葉却到漢家城

寶月

行路難

君不見孤雁關外發酸嘶
度楊越空城客子心

腸斷幽閨思婦氣欲絕
凝霜夜下拂羅衣浮雲
中斷開明月夜夜遙遙
徒相思年年望望情不
歇取我匣中青銅鏡倩
人為君除白髮行路難
行路難夜聞南城漢使
度使我流淚憶長安

廣宣

駕幸天長寺應制

天界宜春賞禪門不掩
關宸遊雙闕外僧引百
花間車馬喧長路煙雲
淨遠山觀空復觀俗皇
鑒此中間

九日菊花詠應詔

可訝東籬菊能知節候芳細枝青玉潤繁蕊碎
金香爽氣浮朝露濃姿帶夜霜泛杯傳壽酒應
共樂時康

聖恩顧問獨遊月磴閣直書其事應制

禪居河畔無多地來往尋春物正華磴道上盤
千畝竹欄干低壓萬人家簷前施飯來飛鳥林
下行春踏落花自解刹那知佛性不勞更喻幾
塵沙

安國寺隨駕幸興唐觀應制

東林何殿是西隣禪客垣墻接羽人萬乘遊仙
宗有道三車引路本無塵初傳寶訣長生術已
證金剛不壞身兩地盡修天上事共瞻鑾駕重
來巡

石倉十二代詩選

唐卷之九十四 終

來遊

獨金洞不與食而飲盡多天上事共誰感

宗有鼓三車同觀本無聖師對寶窟長土清心

東林師與之西洲師與之南嶺師與之北岳師與之

定國寺與之

石倉十二代詩選 唐卷之九十五

方外五 萬人中一人 明候官曹學佺閱

釋貫休字德隱 鍾陵人 詩人 聖賢 聖賢 聖賢 聖賢

古意六首 舉林 師 鼓 鼓 米 島 賦

一雨火雲盡閉門心冥冥蘭花與芙蓉滿院同

芳馨佳人天一涯好鳥鳴嚶嚶我有雙白璧不

羨趙虞卿我有徑寸珠別是天地精玩之室生

白蕭灑身安輕只應天上人見我雙眼明

陽烏爍萬物草木懷春恩茫茫塵土飛塔擁名

歷代詩選 卷九十五 二
利根我本事簞笠幼知天子尊學爲毛氏詩亦
多致直言不慕蠕蠕類附勢同崩奔惟尋桃李
蹊去遊長者門
美人如游龍被服金鴛鴦手把古刀尺在彼白
玉堂文章深掣曳珂珮鳴玕璫好風吹桃花片
片落銀牀何當舉羽翰遠逐朱鳥翔

乾坤有清氣散入詩人脾聖賢遺清風不在惡
木枝千人萬人中一人兩人知憶在東溪日花
開葉落時幾擬以黃金鑄作鍾子期
古交如直金百鍊色不回今交如暴流倏忽生
塵埃我恐君子氣散爲松栢栽我恐荆棘花只
爲小人開傷心復傷心吟上高高臺
莫輕白雲白不與風雨會莫見守羊兒謂是初
平輩人生非日月光輝豈長在一榮與一辱今
古常相對不見于公門子孫好冠蓋

憶在山中時
丹桂花葳蕤紅泉浸瑤草日夕生
華滋箬屋開地爐翠墻挂藤衣看經竹窗邊白

歷代詩選 唐詩真傳
遠三四枝東峰有老人眼碧頭骨竒種蕪煮白
石肯趣如嬰兒月上來打門月落方始歸授我
微妙訣恬然無所爲別來六七年只恐白日飛
古常行路難長干公門下蘇武賦益

君不見山高海深人不測古往今來轉青碧淺
近輕浮莫與交地卑只解生荆棘誰道黃金如
糞土張耳陳餘斷消息行路難行路難君自看
聖賢詠吟長干公門下蘇武賦益
經天緯地物動必計天才盡日覓不得有時還

自來真風含素髮秋色入靈臺吟向霜蟾下終
須神鬼哀長干公門下蘇武賦益

關東春山行長干公門下蘇武賦益
重疊太古色濛濛花雨時好山行恐盡流水語
相隨黑壤生紅朮黃猿領白兒因君石橋日曾
與道人期長干公門下蘇武賦益

送人赴舉長干公門下蘇武賦益

兩河兵火後西笑見吾曹海靜三山出天空一
鶴高賃居槐陟屋行卷雪沾袍他日如相見栽

公作小濤

老僧

無人處松龕嶽色侵僧中九十臘雲外一

生心白髮垂不剃青眸笑轉深猶能指孤月為

我暫開襟

重疊贈道士

關茸復埃塵難親復易親皆疑有仙術問著却

愁人祇恐耽浮蟻曾云見泣麟相逢先合掌渾

似有前因

苦熱

松桂晝不動陽鳥飛半天稍麻雖結實砂石欲

生煙毒氣仍于扇高枝不立蟬舊山多貯雪歸

去是何年

贈隱者

千峰映碧湘真隱此中藏飯不煮石爛眉應似

雪長楓根支酒甕鶴虱落琴牀雖效忘機者斯

人尚未忘

新蟬

尋常看不見花樹盡莓苔忽向高枝發驚從何處來風清聲更苦露潔思彌哀多少求名者年年被爾催

秋寄李頻使君

務簡趣誰陪清吟共綠苔
秋蟻落僧帶野風來
留客朝嘗酒憂民夜畫灰
終期冒風雪江上見宗雷

題簡禪師院

忘機室入空靜與沃洲同
惟有半庭竹能生意

日風思山海月上出定印香終繼後傳衣者還須立雪中

懷智體道人

把筆懷吾友庭鶯日轉時
惟應一處住方得不相思
雪水淹門闥春雷折樹枝
平生無限事不獨白雲知

湘江懷古

煙浪漾秋色高吟孰得隣
一輪湘渚月萬古獨醒人
听濕穿花遠雲香禱廟頻
祗應諛佞者到

此不傷神

寒思廬山賈生

山兄詩僻甚寒夜更何為
覓句惟頑坐嚴霜打
不知石膏粘木屐崖栗落冰池
近見禪僧說生
涯勝往時

雪夜寄友人

皓彩中宵合開門失所蹤
何年今夜意共子在
孤峰氣射燈花落光侵壁罅
濃惟君心似我吟
到五更鐘

途中逢周朴

東西南北路相遇共興衰
世獨無知己君從何
處來菊衰芳草在程遠宿煙
開儻遇求賢主登
庸不用媒

休糧僧

不食更何求自由中自由
身輕嫌衲重天旱為
民愁應器誰將去生臺蟻不
遊會須傳此術共
老在林丘

題擇詞律師院

律中麟角者高淡出塵埃芳草不曾觸幾生如
此來壑風吹磬斷杉露滴花開如結林中社伊
予願一陪
哭靈一上人
一公何不在空有遠公名共說岑山路今時不
可行舊房松更老新塔草初生經論傳緇侶文
章徧墨卿禪林枝幹折法宇棟梁傾誰後修僧
史應知傳已成

送崔峒使往睦州兼寄薛司戶

如今相府用英髦獨往南州肯告勞
冰水近開漁浦出雪雲初卷定山高
木奴花映桐廬縣青雀舟隨白鷺濤
使者須應訪廉吏府中惟有范功曹

九日登高

詩人九日憐芳菊逐客高齋瞰浙江
漁浦浪花搖素壁西陵樹色入秋窗
木奴向熟懸金實桑落新開瀉玉釭
四子醉時爭講德笑論黃霸屈爲邦

謝諸公宿鏡水宅

幸免低頭向府中，貴將藜藿與君同。
陽雁叫霜來枕上，寒山映月在湖中。
詩書何德名夫子，草木推年長數公。
聞道漢家偏好少，此身那比訪芝翁。

題茅山李尊師所居

天師百歲少如童，不到山中更不逢。
洗藥每臨新瀑水，步虛時繞最高峰。
籬根五月留殘雪，座右千年蔭古松。
此去人寰知近遠，迴看路隔一

重重

獻錢尚父

貴逼人來不自由，龍驤鳳翥勢難收。
滿空花醉三千客，一劍霜寒十四州。
鼓角揭天嘉氣冷，風濤動地海山秋。
東南永作金天柱，誰羨當時萬戶侯。

山中

休話喧譁事事難，山翁只合住深山。
數聲清磬是非外，一箇閒人天地間。
綠圃空階雲冉冉，異

禽靈草水潺潺無人爲向羣儒道岩桂枝高更好攀

其二

誰是言休卽便休高吟靜坐碧峰頭三間茅屋無人到十里松門獨自遊明月清風宗炳社夕陽秋色庾公樓修身未到無心地萬種千般逐水流

其三

露滴紅蘭玉繞畦閒拖象屐到峰西但令心似

蓮花潔何必身將槁木齊古塹細煙紅樹老半巖殘雪白猿啼雖然不是桃源洞春至桃花亦滿溪

其四

嵐嫩風輕似碧紗雲樓金像滿煙霞葛苞玉粉生香壠菌蕨銀丁出古槎舉世只知嗟逝水無人微解悟空花可憐擾擾塵埃裏雙鬢如絲事若麻

其五

心心心不住希夷石室巉巖白髮垂惜竹不除
當路笋愛松留得礙人枝焚香開卷霞生砌捲
箔冥心月在池無限故人頭已白不知今日復
何之

其六

孤庵暝月在穹冥茵枕松牀藓陣青乳鹿暗行
樵徑雪瀑泉微濺石樓經閒吟不覺過天井長
嘯還能動嶽靈應恐無人知此意非凡非聖獨
惺惺

其七

五嶽煙霞連不斷三山洞穴去應通石窗欹枕
疎疎雨水碓無人浩浩風童子念經深竹裏獼
猴捫虱夕陽中因嗟往事拋心力六七年來楚
水東

其七

翠竇煙岩畫不成桂華瀑沫雜芳馨撥霞掃雪
和雲母掘石移松得茯苓好鳥似花窺玉磬嫩
苔如水沒金鉸從他人哭從他笑地覆天翻也

只寧

其九

自休自了自安排
常願居山事偶諧
僧採樹皮臨絕壑
猿爭山果落空階
閒擔茶器綠青嶂
靜補禪袍坐綠崖
虛作新詩反招隱
出來多與此心乖

殘梅

共十

閒步淺青平綠流
水征車自速誰家挾
彈少年擬打紅衣啄木

秋夜曲

蟋蟀切切風騷騷
芙蓉歎香蟾蜍高
孤燈耿耿征婦勞
更深撲落金錯刀

春曉

深門寂寂黍飯馨
山家煙火春雨晴
庭花濛濛水泠泠
小兒啼索樹上鶯

木 今 深山逢老僧 詩 上 齋

衲衣線粗心似月自把短鋤同楸拙青石溪邊
踏葉行數片雲隨兩眉雪

孤 飲 邊 上 作 二 首

相無綠兮水無清風既毒兮沙亦腥胡兒走馬
疾飛鳥聯翩射落雲中聲

辨 其 二 木

陣雲忽向沙中起探得胡兵過遼水堪嗟護塞
征戍兒未戰已疑身是鬼

宿深村

行行一宿深村裏雞犬豐年鬧如市黃昏見客
合家喜月下取魚尾塘水

書石壁禪居

赤旃檀塔六七級白菡萏花三四枝禪客相逢
勸歸去此心能有幾人知

聽僧彈琴

家住吳王古戰城海風終日打檣聲今朝鄉思
渾堆積琴上聞師大蟹行

題蘭江言上人院二首

一生只着一麻衣道業還期習彥威手把新詩
說山夢石橋天柱雪霏霏

只是危吟坐翠層門前岐路自崩騰青雲名士
時相訪茶煮西峰瀑布冰

石倉十二代詩選

唐卷之九十五 終

石倉十二代詩選

唐卷之九十六

方外

明候官曹學佺闕

釋齊已

盧岳人有白蓮集

荆渚疾中因思庄廬遂寄梁先輩

老生病死者早聞天竺書相隨幾汨沒不得堪
欷歔自理自可適他人誰與祛應當入寂滅乃
得長銷除前月已骨立今朝還貌舒披衣試步
履倚策聊躊躇江月青眸冷秋風白髮踈新題
憶刻礪舊約懷庄廬張野人絕跡樂天曾卜居

空龕掩薜荔瀑布歎蟾蜍古檜鳴玄鶴涼泉躍
錦魚狂吟樹陰映縱踏花蕙菸辱舌旣已閒心
脾亦散攄松窗有偃息石逕無趨趨夢冷通仙
關神融合太虛千峰杳靄際萬壑明清初長往
期非晚半生閒有餘依劉未是詠訪戴寧忘諸
稽古堪求已觀時好笑渠埋頭逐小利沒脚拖
長裾道種將閒養情田把藥鉏幽香發蘭蕙穢
莽摧丘墟敢謂囊盈物那言廣滿儲微煙動晨
爨細雨滋園蔬鮮亂珍禽羽門稀長者車冥機
生兀兀着履行徐徐每許親朱履多憐奉隼旟
簪嫌紅玳瑁社念金芙蓉海內競鐵馬篋中藏
紙驢常言謝時去此意將何如

瀟湘二十韻

二水遠難論從離向坎奔冷穿千嶂脉清過幾
州門闊出都凝白傍來盡帶渾經遊聞舜禹表
裏見乾坤浦靜魚閒釣灣涼雁自屯月來分夜
底雲度見秋痕暮氣藏隣寺寒濤聒近村離騷
傳永恨鼓瑟奏遺魂霧擁魚龍窟槎歌島嶼根

風帆上下落日樹沈昏柳少砂洲缺苔多古
岵存禽巢依橘柚懶逕入蘭蓀色自江南絕名
聞海內尊吳顏雄莫遏漢口壯堪吞寥泺晴方
映馮夷信忽翻渡遙峰翠疊汀小荻花繁勢接
湖煙漲聲和嶂雨歎急搖吟客舫狂濺野人樽
疏鑿誰窮本澄鮮自有源對茲傷九曲含濁出
崑崙

竹裏作六韻

獨來深處坐剩覺有吟思忽似瀟湘岵欲生風

雨時冷煙生古屋乾籜墮秋蹕徑熟因頻入身
閒得徧欹踏多鞭節損題亂粉痕隳猶見前山
疊微茫隔短籬

題鶴鳴泉八韻

嘹唳遺蹤去澄明物掩難噴開山面碧飛落寺
門寒汲引隨瓶滿分流逐處安幽虫乘葉過渴
狄擁條看上有危峰疊旁宜恠石盤冷吞雙樹
影甘潤百毛端異早聞鑄玉靈終別建壇瀟湘
在何處終日自波瀾

歷代詩選
風琴引

接吳絲雕楚竹高託天風拂爲曲一一宮商在
素空鸞鳴鳳語翹梧桐夜深天碧松風多孤窗
寒夢驚流波愁魂傍枕不肯去翻疑住處隣湘
娥金風聲盡薰風發冷泚虛堂韻難歇常恐聽
多耳漸繁清音不絕知音絕

湘妃廟

湘煙濛濛湘水急汀露凝紅裊蓮濕蒼梧雲疊
九疑深二女魂飛江上立江上立相携泣鳳蓋

龍輿追不及廟荒松朽啼飛猩笏鞭迸出階基
傾黃昏一片陰風起新月如眉生闊水

和鄭谷郎中幽棲之什

誰知閒退跡門逕入寒汀靜倚雲僧杖孤看野
燒星墨露吟石黑苔染釣船青相對惟溪寺初
宵聞念經

勉詩僧

莫把毛生刺低徊謁李膺須防知佛者解笑愛
名僧道性宜如水詩情合似冰還同蓮社客聯

歷代詩選 唐釋齊己

唱遶香燈 宜秋木荷剖合必米豉同與

莫以送人遊湘湖 馬李飄影初映制

君遊南國去旅夢若為寧一路隨鴻雁千峰遶

洞庭林疎風盡落野黑燒初經有興尋僧否湘

西寺最靈 今不黑苔采陸嶺青昧體掛

猶賦東林雨後望香爐峰 晴冷雲曾

翠濕僧窗裏寒生鳥道邊靜思尋去路危遶落

來泉暮雨開青壁朝陽照紫煙二林多長老誰

憶上頭禪

東嶽苦熱中江上懷爐峰舊居 對茲水

舊寄爐峯下杉松遶石房年年五六月江上憶

清涼久別應荒廢終歸隔渺茫何當便搖落披

衲玩秋光 陳古學王少卿書李莫夫春賦陸陸

荆門送晝公歸彭澤舊居 蘇州去臺

彭澤禪居在庄廬翠疊前因思從楚事便附入

吳船岬遶春殘樹江浮霽後天應過虎溪社佇

立想諸賢 龍嶽寺焚 嶺對吳 蠶子 蘇阿 掛 錦 林

寄懷江西栖公書半不長來香振 掛 懸 雲

龍沙爲別日盧阜得書年不見來香社相思遠
 白蓮江僧歸海寺楚路接吳煙老病何堪說扶
 羸寄此篇
 送趙長史歸閩川前因思外使事對州人
 荆門與閩越關戍隔三千風雪揚帆去臺隍指
 海邊客情銷古台王化似堯年莫失春迴約江
 城穀雨前
 送休上人歸永嘉舊居
 東越常懸思山門在永嘉秋光浮楚水帆影背

長沙城黑天台雨村明海嶠霞時尋謝公迹春
 草自瑤花

憶在匡廬日

憶在匡廬日秋風八月時松聲虎溪寺塔影雁
 門碑步碧蕨蕤逕吟香苗菖池何當舊泉石歸
 去洗心脾

貽廬岳陳沈秀才

爲儒老雙鬢勤苦竟何如四海方磨劍空山自
 讀書石圍泉眼碧秋落洞門虛莫慮搜賢僻徵

君舊此居
書庄山隱者
壁所收四
紅霞青壁底
石筍薜蘿垂
應有迷仙者
曾逢採藥時
桃花饒兩頰
松葉挂長髭
直是來城市
何人識得伊
懷天台華頂僧
華頂危臨海
丹霞罨石橋
曾從國清寺
上看日
明潮好鳥親
香火狂泉噴
沈寥欲歸師
智者頭
白路迢迢
天台

寄東林言之禪子

閒思相送後
幽院閉苔錢
使我吟還廢
聞君病未痊
聽秋惟困坐
怕客但佯眠
可惜東窗月
無寥過一年

聽泉

落石幾萬仞
遠聲飄冷空
高秋初雨後
半夜落山中
只有照壁月
更無吹葉風
幾曾廬岳聽
到曉與僧同

匡山寓居栖公

外物盡已悟閒行亦自由好山逢過夏無事住
經秋樹影殘陽寺茶香古石樓何時定休講歸
漱虎溪流

送朱秀才歸閩

荆門來幾日欲往又囊空遠客歸南越单衣背
北風近鄉微有雪到海漸無鴻努力成詩業無
諸謁至公

書古寺僧房

綠樹深深洞長明焰焰燈春時遊寺客花落閉

門僧萬法心中寂孤泉石上澄勞生漫問處喧
默不相應

湖西逸人

老隱洞庭西漁樵共一溪琴前孤鶴影石上遠
僧題橘柚園林熟蒹葭逕路迷君能許隣並分
藥斲春畦

登金山寺

四面白波聲中流翠嶠橫望來堪目斷上徹始
心平鳥向天涯出雲連水國生重來與誰約題

罷自吟行

又

山帶名金遠樓臺壓翠層魚龍光照象風浪影
搖燈檻外楊州樹船中建業僧塵埃何所到青
石坐如冰

寄楚萍上人

北窗香爐秀南邊瀑布寒自來還獨去夏滿復
秋殘日影杉松亂雲容洞壑寬何峰是隣側片
石許相安

寄上荆渚因夢廬岳乃圖壁賦時遂日向

漸

夢繞嗟峨裏神踈骨亦寒覺來共語壁上自圖
看古翠松藏寺春紅杏濕壇歸心幾時遂日向

漸衰殘誰

送東林寺睦公往吳國

八月江行好風帆日夜飄煙霞經北固禾黍過
南朝社客無宗炳詩家有鮑昭莫因賢相召不
返舊山椒

嘗茶

石屋晚煙生松窗鐵碾聲因畱來客試共說寄
僧名味擊詩魔亂香搜睡思輕春風雪川上憶
俯綠叢行

居道林寺書懷

花落水喧喧端居信晝昏誰來看山寺自要掃
松門是事皆能諱惟詩未懶言傳聞好時世亦
欲背啼猿

謝興公上人寄山水簇子

半幅古潺顏看來心意閒何須尋鳥道卽此出
人間巘暮疑啼狄松溪認掩關知君遠相惠免
我憶歸山

登大林寺觀白太傅題版

九疊蒼崖裏禪家鑿翠開清時誰夢到白傅獨
尋來怪石和僧定閒雲共鶴迴任茲休去者心
是不然灰

別東林後迴寄脩睦

昨夜從香社辭君出薜蘿晚來巾舄上已覺俗

歷代詩選 唐詩補正
塵多遠路紫芳草遙空共白波南朝在天末此
去重經過

秋苔

獨憐蒼翠文長與寂寥存鶴靜窺秋片僧閒踏
冷痕月明疎竹逕雨歇敗莎根別有深宮裏兼
花鎖斷魂

夏日栖霞寺書懷寄張逸人

人中林下現名自有閒忙建業紅塵滿栖霞白
石涼倚身檉几穩灑面瀑流香不似高齋裏花

連竹影長

題東林白蓮

大士生兜率空池滿白蓮秋風明月下霽日影
堂前色混羣芳坼香殊百和然誰知無染性一
片好心田

東林竹寄金陵知己

十八真賢像時來拂蘚看已知前事遠更結後
人難泉滴勝清磬松香掩白檀憑君聽朝貴誰
欲厭簪冠

贈浙西李推官

他皆恃勲貴君獨富詩篇終日秋光裏無人竹
影邊東樓坐待月北固積吟煙聞說鴛行侶多
才復少年

早梅

萬木凍欲折孤根暖獨回前村深雪裏昨夜一
枝開風遞幽香出禽窺素艷來明年如應律先
發映春臺

寄鏡湖方干處士

賀鑑舊山川空來近百年聞君與琴鶴終日在
漁舩島露深秋石湖澄半夜天雲門幾迴去題
徧好林泉

送人遊塞

槐柳野橋邊行塵暗馬前秋風來漢地客淚入
胡天雁聚河流濁羊羣積草羶那堪隴頭宿鄉
夢逐潺湲

新秋雨後

夜雨洗河漢詩懷覺有靈籬聲新蟋蟀草影老

歷代詩選 唐釋齊己
蜻蜓靜引閒機發涼吹遠思醒迢迢向誰說時
泥漆園經

贈曹松先輩

今歲赴春闈達如夫子稀山中把卷去牘下注
官歸楚月吟前落江禽酒外飛閒遊向僧寺仍
着白麻衣

傷鄭谷郎中

鍾陵千首作筆絕亦身終知落干戈裏誰家煨
燼中吟齋春長蕨釣渚夜鳴鴻惆悵秋江月曾

招我看同

題終南山隱者室

終南山北面直下是長安自掃青苔室閒歌白
石看風吹窗樹老日曬竇雲乾時向圭峰宿僧
房瀑布寒

原上晚望

倚杖聊攄望寒原遠近分夜來何處火燒出古
人墳野勢盤空澤江流合暮雲殘陽催百鳥各
自着栖羣

過陳陶處士舊居

一室貯琴樽詩皆大雅言夜過秋竹寺醉打老
僧門遠燒侵籬下寒蔬簇石根閒庭除鶴迹半
是杖頭痕

春興

柳暖鶯多語花明草盡長風流在詩句牽牽繞
池塘叫切禽名字飛狂蝶姓莊時來真可惜自
勉綴蘭芳

題真州精舍

波心精舍好那岍是繁華礙日無高樹當門卽
遠沙晨齋趨海客夜磬到漁家石鼎秋濤靜禪
回有嶽茶

秋夜聽業上人彈琴

萬物都寂寂堪聞彈正聲人心盡如此天下自
和平湘水瀉秋碧古風吹太清往年廬嶽奏今
夕更分明

聞落葉

楚樹霜晴後蕭蕭落晚風因思故國夜臨水幾

歷代詩選 唐釋齊己
株空煮茗燒乾脆行苔踏爛紅來年未離此還
見碧成叢

遇廬嶽僧

一聞飛錫別區中深入西南瀑布峰天際雪埋
千片石洞門冰圻幾株松煙霞明媚栖身地苔
蘚紫紆出世蹤莫問江邊舊居寺火燒兵劫斷
秋鐘

懷庄阜

荆州連歲滯遐方拄杖塵封六尺光洗面有香

思石溜冥心無撓憶山牀閒機但媿時機速靜
論須慙世論長昨夜分明夢歸去薜蘿幽逕遶
禪房

送泰禪師歸南嶽

石龕閒鎖白猿邊歸去途程半在船林簇曉霜
離水寺路穿新燒入山泉已尋嵐壁臨空盡却
看星辰向地懸有興寄題紅葉上不妨收拾別
爲編

昭陽微公山房

曲江流影石千株
吾子思歸夢斷初
有信北來山疊疊
無言南去雨疎疎
祖師門接園林路
丞相家同井邑居
閒野老身留得否
相招多是秀才書

早鶯

何處經年絕好音
暖風催出轉喬林
羽毛新刷陶潛菊
喉舌初調叔夜琴
藏雨並栖紅杏密
避人雙入綠楊深
曉來枝上千般語
應共桃花說舊心

熱不寄萍鄉唐稟正字

新書聲價滿皇都
高卧林中更起無
春興酒香薰肺腑
夜吟雲氣濕髭鬚
同登水閣僧皆別
共上漁船鶴亦孤
長憶前年送行處
洞門殘日照

菖蒲

送李秀才歸湘中

詞客携文訪病夫
因吟送別憶湘湖
寒消浦澈催鴻雁
暖入溪山養鷓鴣
僧向月中尋嶽麓
雲從城上去蒼梧
君歸爲問峰前寺
舊日松房鎖

在無

送人入蜀

何必閒吟蜀道難知君心出嶮巖間尋常秋汎
江陵去容易春浮錦水還兩面碧懸神女峽幾
重青出丈人山文君酒市逢初雪滿貫新醅洗
俗顏

寄南嶽秦禪師

江頭默想坐禪峰白石山前萬丈空山下獵人
應不到雪深花鹿在庵中

寄清溪道者

萬重千疊紅霞嶂夜燭朝香白石龕常記溪窗
凭危檻看經影落古龍潭

贈九華上人

一法傳聞繼老能九華閒卧最高層秋鐘盡後
殘陽暝門掩松邊雨夜燈

送人往長沙

荆門歸路指湖南千里風帆興可諧好聽鷓鴣
啼雨處木蘭舟晚泊春潭

夏日城中作

三面僧隣一面墻更無風路可吹涼他年捨此
歸何處青壁紅霞累石房

又

竹低沙淺雨濛濛小檻幽窗暑月中有境牽懷
人不會東林門外翠橫空

水邊行

身着袈裟手杖藤水邊行止不妨僧禽栖日落
猶孤想隔浪秋山千萬層

幽齋偶作

幽院纔容箇小庭疎篁低短不堪情春來猶賴
隣僧樹時引流鶯送好聲

送僧歸日本

日東來向日西遊一鉢閒尋徧九州却意雞林
本師寺欲歸還待海風秋

酬光上人

禪言難後到詩言坐石心同古鏡魂應記前秋
會吟處五更猶立老松根

無本

尋隱者不遇

松下問童子言師採藥去只在此山中雲深不知處

寄友

聞說到揚州吹簫有舊遊人來多不見莫是上迷樓

石倉十二代詩選

唐卷之九十六

終

石倉十二代詩選

唐卷之九十七

方外

七

明候官曹學佺闕立

釋脩睦

秋日閒居

是事不相關誰人似此閒卷簾當白晝移榻對青山野鶴眠松上秋苔長雨間嶽僧頻有信昨日得書還

宿岳陽開元寺

竟夕憑虛檻何當興歎頻往來人自老今古月

長新風逆漁沈唱松疎鶴露身無眠鐘又動幾
客在迷津

東林寺

欲去不忍去徘徊吟繞廊水光秋澹蕩僧好語
尋常碑古苔文疊山晴鐘韻長翻思南嶽上欠
此白蓮香

寄貫休上人

淺語亦關詩常流安得知楚郊來未久吳地立
多時立月無人近歸林有鶴隨所居渾不遠相

識偶然遲

懷虛中上人

簷雨滴更殘思君安未安湘川聞不遠道路去
尋難吟鬢霜應蝕禪衣雪漸寒倚松因獨立一
鳥下江干

無悶

暮春送人

折柳亭邊手重携江煙澹澹草萋萋杜鵑不顧
離人意更向落花枝上啼

寒林石屏

草堂無物伴身閒
惟有屏風枕簟間
本向他山求得石
仍于石上看他山

景雲

老僧

日照西山雪
老僧門始開
凍瓶粘柱礎
宿火陷爐灰
童子病歸去
鹿麋寒入來
齋鐘知漸遠
枝鳥下生臺

谿叟

谿翁居處靜
谿鳥入門飛
早起釣魚去
夜深乘月歸
露香菰米熟
煙暖苧絲肥
瀟灑塵埃外
扁舟一草衣

畫松

畫松一似真松樹
且待尋思記得無
曾在天台山上見
石橋南畔第三株
大戴黜後人
高結

法振

常大夫法振

病愈寄友

哀樂暗成疾
卧中方月移
西山有清士
孤嘯不

可追搗藥晝林靜
汲泉陰澗遲微蹤
與麋鹿遠謝求羊知

送常大夫赴朔方

關山今不掩軍候
鳥先知大漢嫖姚入
烏孫部曲隨高旌
天外駐寒角月中吹
歸到長安地花應再滿枝

送人遊越

不須行借問爲爾
話閩中海島春寒雨
江帆日暮風道遊
玄度宅身寄朗陵公
此別何傷遠如

今關塞通

張舍人南溪別業

新田繞屋半春畊
藜杖開門引客行
山翠自成微雨色
溪花不隱亂泉聲
漁家遠到堪留興
公府懸知亦厭名
入夜更宜明月滿
雙童呼出解吹笙

月夜泛舟湖帶雨

西塞長雲盡南湖
片月斜漾舟人不見
卧入武陵花

送友人之上都

玉帛徵賢楚客稀
猿啼相送武陵歸
潮頭望入桃花去
一片春帆帶雨飛

柳 柳 柳

送禪師宗極歸玉峰

背郭去歸宿頭陀
意頗濃鶴爭栖
遠樹猿鬪上孤峰
夜戍經霜月秋城
過雨鐘由來無定止
何處訪高蹤

尋山僧真勝上人不遇

松下禪栖所苔滋
逕莫分青山春暮見
流水夜深聞不坐
看山石應隨出定雲
猿猴非可問巖谷
日空曛

邊思

西北黃雲暮聲聲
畫角愁陰山一夜
雨白草四郊秋亂
岬鳴寒渡飛沙入
廢樓何時番色盡
此地見芳洲

送王鍊師歸嵩嶽

飄然綠毛節杳去
洛城端隔水見秋
嶽兼霜掃

唐詩選 唐釋 五
石壇一溪松色古半夜鶴聲寒迴與人寰別勞
生不可觀

送石秀才

正是歎羈遊知音拜楚侯何須辭遠道自可樂
扁舟倚棹江洲雨聞猿鳥岫秋謝家山水興終
日待詩流

月夜懷劉秀才

獨夜相思但自勞阮生吟罷夢雲濤此時小定
未禪寂古塔月中松磬高

經廢宮

終日河聲咽暮空煙愁此地晝濛濛錦帆東去
沙侵苑玉輦西來樹滿宮睿客望津天欲雪朔
鴻離岬葦生風那堪獨立思前事回首殘陽雉
堞紅

贈識古法師

重城深寺講初休却憶家山訪舊遊對月與君
相送夜聞蛩教我獨驚秋雲心杳杳難爲別鶴
性蕭蕭不可留遙想孤舟清渭上飄然帆影起

離愁

隱巒

牧童

牧童見人俱不會
 盡著芒鞋戴箬笠
 朝陽未出
 衆山晴露滴
 蓑衣猶半濕
 二月三月時
 平原草
 初綠三箇五箇騎
 羸牛前村後村來
 放牧笛聲
 纔一舉衆稚齊
 歌舞看看白日向西斜
 各自騎
 牛又歸去

蜀中送人遊廬山

君遊正值芳春月
 蜀道千山皆秀發
 溪邊十里
 五里花雲外
 三峰兩峰雪
 君上庄山我舊居
 松蘿拋擲十年餘
 君行試到山前問
 山鳥只今相
 憶無
 琴山
 七條絲上寄深意
 澗水松風生十指
 自乃知音
 猶尚稀欲教更入何人耳

處默

題聖果寺

路自中峰上盤回出薜蘿到江吳地盡隔岷越
山多古木叢青靄遙天浸白波下方城郭近鐘
磬雜笙歌

遠煙

靄靄前山上凝光滿薜蘿高風吹不盡遠樹得
偏多翠與晴雲合輕將淑氣和正堪流野目朱
閣意如何

憶廬山舊居

粗衣糲食老煙霞免抱衰顏惜歲華獨鶴祇應

山客伴閒雲常在野僧家叢生嫩蕨粘松粉自
落乾薪帶薜花明月清風舊相得十年歸恨可
能賒

題栖霞寺僧房

名山不取買山錢任構花宮近碧巔松檜老
雲裏寺樓臺深鎖洞中天風經險嶂回踈雨石
倚危屏挂落泉欲結茆庵體師住肯饒多少薜
蘿煙

山中作

席簾高卷枕高欹
門掩垂蘿蘸碧溪
閒把史書眠一覺
起來山日過松西

卿雲

長安言懷寄沈彬侍郎

故園梨嶺下歸路接天涯
生作長安草勝為邊地
花雁南飛不到書
北寄來賒堪羨神仙客
青雲早致家

送人遊塞

去去玉關路省君曾未行
塞深多伏寇時靜亦

屯兵雪每先秋降
花嘗近夏生閒陪射
鵬將應到受降城

舊國里

舊居梨嶺下風景近炎方
地暖生春早家貧覺歲長
石房雲過濕杉徑雨餘香
日夕竟無事詩書聊自強

曇域齊

宿鄭諫議山居

堂開星斗邊大諫採薇還
禽隱石中樹月生池

上山涼風吹詠思幽語隔禪關莫擬歸城計終妨此地閒

懷齊已

鬢髯秋景兩蒼蒼靜對茅齋一炷香病後身心俱澹泊老來朋友半凋傷峨嵋山色侵雲直巫峽灘聲入夜長猶喜深交有支遁時時會信到

松房

雲表

寒食日

寒食悲看郭外春野田無處不傷神平原壘壘添新塚半是去年來哭人

簡子蘭

登樓憶友

物象遠濛濛周迴極望中帶煙千井樹和磬一樓風月色寒沈地波聲夜颺空登臨無限趣恨不與君同

華嚴寺望樊川

萬水葉初紅人家樹色中疎鐘搖雨脚秋水浸

雲容雪積回寒雁村燈促夜春舊山歸未得生
計欲何從

不與道侶同于水陸寺會宿

論道窮心少有朋此時清話昔年曾柿凋紅葉
鋪寒井鵲墜霜毛着定僧風遍遠聲秋澗水竹
穿深色夜房燈出門盡是勞生者只此長閒幾
箇能

城上吟

古塚密于草新墳侵官道城外無閒地城中人

又老

襄陽曲

為憶南遊人移家大堤住千帆萬帆來盡過門
前去

蟬

獨蟬初唱古槐枝委曲悲涼斷續遲雨後忽聞
誰最苦異鄉孤館憶家時

長安早秋

風舞槐花落御溝終南山色入城秋門門走馬

徵兵急公子笙歌醉玉樓

懷楚

謝友人見訪留詩

軒車誰肯到泉石自相親暮雨凋殘寺秋風悵
望人庭新一片葉衣上十年塵賴有瑤華贈清
吟愈病身

送新平故人

常聽倉庚思舊友又因蝴蝶夢生涯一千餘里
河連郭三十六峰寒到家陰島宜分東甌雁晴

樓高入上陽鴉姜原廟北與君別應笑薄寒悲

落花

惠標

賦山

靈山蘊麗名秀出寫蓬瀛香爐帶煙上紫蓋入
霞生霧卷蓮花碧巖開石鏡明定知丘壑裏併
佇白雲情

又

峨眉信重險天日本仙居金華抱丹竈玉笥蘊

神書幽人被薜荔怨妾採藤蕪紫君無暮雨何時送故夫

詠水

會添疎勒井經湧貳師營玉津花色亮銀溪錦
磧明舟如空裏泛人似鏡中行持將符上善利物動高情

可朋

桐花鳥

五色毛衣比鳳雛深花叢裏祇如無美人買得

偏憐惜移向金釵重幾株

懷浦

贈智舟三藏

壯歲志難伏師心伏豈難尋常獨在院行坐不
離壇嶽雪當禪暝松風入呪寒更因文字外多
把史書看

初冬旅舍蚤懷

枕上角聲微離情未息機夢回三楚寺寒入五
更衣月沒棲禽動霜晴凍葉飛自慚行役早深

與道相違

酬友人見寄

家國各萬里同吟六七年
可堪隨北雁迢遞向南天
水共行人遠山將落日
連春淮有雙鯉莫忘尺書傳

三峽聞猿

誰向茲來不恨生
聲聲都是斷腸聲
七千里外一家住
十二峰前獨自行
瘴雨晚藏神女廟
蠻

煙寒鎖夜郎城
憑君且莫哀吟
好會待青雲道
路平

善生
送智光之南
值雨
吟
林
鳥
鳴
雲
飛
一
輪
草
結束衣囊了
炎州定去遊
草堂方惜別
山雨爲相留
又得一宵話
免生千里愁
莫辭重十日
後會必經秋

問旅中答喻軍事問客情

一自遊他國相逢少
故人縱然爲客樂
爭似在

歷代詩選 卷九十七 尚顏
家貧畜恨霜侵鬢
按詩病入神若非憐片善誰
肯問風塵谷
會尚顏

懷智栖上人
臨水登山自有期
不同遊子暮何之
閒眠默坐身堪賞
已去還來事可知
林鳥隔雲飛一餉
草蟲和雨叫多時
思君最易令人老
倚檻空吟所寄詩

峽中酬荆南鄭準

山齋西向蜀江濱
四載安居復有羣
風雁勢高猶可見
雪猿聲苦不堪聞
新詩寫出難勝寶
破衲行時却類雲
每喜沂流賓客說
元瑜刀筆潤雄軍
四

贈村公

紬衣木突此鄉尊
白盡鬚眉眼未昏
醉舞神筵隨鼓笛
閒歌聖代和兒孫
黍苗一頃垂秋日
茅棟三間映古原
也笑長安名利處
紅塵半是馬蹄翻

宿巴江

江聲五千里瀉碧急于絃不覺日又夜爭教人
少年一汀巫峽月兩岬子規天山影似相伴依
依到客船

遊邊公

邊雲四顧濃飢馬嗅枯叢萬里八九月一身西
北風偷營天正黑戰地雪多紅昨夜東歸夢桃
花暖色中
居南嶽懷沈彬

石房開竹扉茗外獨支頤萬木還無葉百年能
幾時隔雲聞犬過截雨見虹垂因憶嶽南客晏
眠吟好詩

南中懷友生

荔枝江下立望北幾思量隔海無書劄前年在
漢陽漳村人起早銅柱象指光居此成何事尋
君過碧湘

理瑩

送戴三徵君還谷口舊居

歷代詩選 唐穆瑒瑒
巖穴多遺秀公車屢遠招周王尊渭叟頴客傲
唐堯出處天波洽關河地勢遙瞻星吳郡夜作
霧華山朝清論虛重席閒居掛一瓢漁歌思坐
酌宸渥寵行輶春爲荷裳煖霜因葛履消層崖
懸瀑溜萬壑振清飈谷鳥還遷木場駒正食苗
謝安何日起台鼎佇君調

玄寶路

南北東西去茫茫萬古塵關河無盡處風雪有
行人險極山通蜀平多地入秦營營名利者來

往豈辭頻

庾樓

郡樓名甚遠幾換見樓人庾亮魂應在清風到
白蘋晴軒分楚漢夜酒揖星辰何必匡山上獨
言無世塵

寄華山司空圖

門徑放莎長往來投刺稀有時開御札特地掛
朝衣嶽信僧傳去仙香鶴帶歸他年二南化無
復更衰微

石倉十二代詩選

唐卷之九十七 終

石倉十二代詩選

唐卷之九十八

宗風

明石倉居士曹學佺閱

三祖鑑智禪師信心銘

至道無難惟嫌揀擇但莫憎愛洞然明白毫釐
 有差天地懸隔欲得現前莫存順逆違順相爭
 莫爲心病不識玄旨徒勞念靜圓同太虛無欠
 無餘良由取捨所以不如莫逐有緣勿任空恐
 一種平懷泯然自盡

又

心動歸止止更彌動惟滯兩邊寧知一種一種
不通兩處失功遣有沒有從空背空多言多慮
轉不相應絕言絕慮無處不通歸根得旨隨照
失宗須更返照勝却前空

又

二由一有一亦莫守一心不生萬法無咎無咎
無法不生不心能由境滅境逐能沈境由能境
能由境能欲知兩段元是一空叶一空同兩齊
含萬象不見精麗寧有偏黨卷之五十八

又

大道體寬無易無難小見狐疑轉急轉遲執之
失度必入邪路放之自然體無去任任性合道
逍遙絕惱繫念乖真昏沈醜好不用勞神枉自
疎親欲取一乘勿捨六塵

不爾又

六塵不惡還同正覺智者無為愚人自縛法無
異法妄生愛着將心用心豈非大錯夢刃空花
何勞把捉得失是非一時放却眼若不睡諸夢

自除心若不異萬法自如

一如體玄兀爾忘緣萬法齊觀歸復自然一切
不畱無可記憶虛明自照不勞心力一卽一切
一切卽一但能如是何慮不畢信心不二不二
信心言語道斷非去來今

右三祖僧璨大師雖以隋大業二年示寂然
賜謚入塔寔唐玄宗開元年也信心銘以傳
四祖道信道信大師廼爲述之云

具神秀禪師題廊壁偈

身是菩提樹心如明鏡臺時時勤拂拭勿使惹

塵埃

六祖慧能禪師題和心問答

菩提本無樹明鏡亦非臺本來無一物何處惹

塵埃

說法偈

心地合諸種普雨悉皆生頓悟華情已菩提果
自成

牛頭法融禪師答博陵王問

法性本基業夢境成差互實相微細身色心常
不悟忽逢混沌士哀怨愍羣生託疑廣設問抱
理內常明生死幽徑徹毀譽心不驚野老顯分
答法相媿來儀蒙發羣生藥還如色性爲

牛頭智威禪師與慧忠問答

人生莫繫念念成生死河輪迴六趣海無見出
長波師念想由來习性自無終始若得此中意
長波當自止忠余本性虛無緣妄生人我如何

息妄情還歸空處坐師虛無是實體人我何所
存忘情不須息卽泯般若船忠

三洪州法達禪師述

經誦三千部曹谿一句無未明出世指寧歇累
生狂羊鹿牛權設初中後善揚誰知火宅內元
是法中玉贈良萬里邀青天照入心間

信州智常禪師叅六祖祖示以偈

不見一法存無見大似浮雲遮日面不知一法
守空知還如太空生閃電此之知見瞥然興錯

認何曾解方便汝當一念自知非自己靈光常
顯見

明州布袋和尚口占

一鉢千家飯孤身萬里遊青天覩人少問路白

雲頭

潭州隱山和尚

三間茅屋從來住一道神光萬境閒莫把是非

來辨我浮生穿鑿不相關

息江西道一禪師示眾

心地隨時說菩提亦祇寧事理俱無礙當生即

不生

趙州從諗禪師將遊五臺學人作偈留之

無處青山不道場何須策杖禮清涼雲中縱有

金毛現正眼傍觀非吉祥

百八集諗師句

石幢子被風吹折丈六金身煩惱招若與空王

為弟子莫教心病最難療

長沙招賢禪師偈

歷代詩選 唐詩補遺 卷之六 五
學道之人不識真祇爲從前認識神無始劫中
生死本痴人喚作本來人

又

百尺竿頭未得休堂堂有路少人遊禪師願達
南泉去滿目青山萬萬秋

無福州龜山正元禪師示徒偈
滄溟幾度變桑田惟有虛空獨湛然已到听人
休戀筏未曾度者要須船

龜山智具禪師示徒偈

心本絕塵何用洗身中無病豈求醫欲知是佛
非身處明鏡高懸未照時

示衆偈

時值武宗
沙汰作

勅命如雷下翠微風前垂淚脫禪衣雲中有寺
不容任塵裏無家何處歸

三十又

明月分形處處新白衣寧墜解空人誰言在俗
妨脩道金粟曾爲居士身

河中府公畿和尚偈語

有名非大道是非俱不禪
意識箇中意黃葉上啼錢

福州靈雲志勤禪師悟道偈
空人請言五句三十年來尋劍客
幾回落葉又抽枝自從一見桃花後
直到如今更不疑

秀州華亭德誠禪師示眾

千尺絲綸直下垂一波纔動萬波隨
夜靜水寒魚不食滿船空載月明歸

鼎州李翱刺史嚮藥山玄化

鍊得身形似鶴形千株松下兩函經
我來問道無餘說雲在青天水在鈿

潭州石霜山慶諸禪師

頌洞山五位王子誕生

九重密處復何宣挂弊由來顯妙傳
祇奉一人天地貴從他諸道自分權
紫羅帳合君臣隔黃閣簾垂禁制全
為汝方隅官屬戀遂將黃葉止啼錢

南嶽玄泰禪師畚山謠

畚山兒畚山兒無所知年年斫斷青山嶠就中
最好衡嶽色杉松利斧摧貞枝靈禽野鶴無因
依白雲回避青煙飛猿猴路絕岩崖出芝朮失
根茆草肥年年斫罷仍再鋸千秋終是難復初
又道今年種不多來年更斫當陽坡

張拙呈禪月大師

光明寂照徧河沙凡聖含靈共我家一念不生
全體現六根纔動被雲遮斷除煩惱重增病趣
向真如亦是邪隨順世緣無罣礙涅槃生死等

空花

袁州木平山善道禪師詠

木平山裏人貌古言復少相看陌路同論心秋
月皎壞衲線非蠶助歌聲有烏城闕今日來一
漚曾已曉

永嘉真覺大師證道歌

君不見絕學無爲閒道人不除妄想不求真無
明實性卽佛性幻化空身卽法身法身覺了無
一物本源自性天真佛五蘊浮雲空去來三毒

歷代詩選 巖諸禪宗 卷九十八
水泡虛出沒要證實相無人法剎那滅却阿鼻
業若將妄語誑衆生自招揜舌塵沙劫頓覺了
如來禪六度萬行體中圓夢裏明明有六趣覺
後空空無大千無罪福無損益寂滅性中莫問
覓比來塵鏡未曾磨今日分明須剖析誰無念
誰無生若實無生無不生喚取機關木人問求
佛施功早晚成放四大莫把捉寂滅性中隨飲
啄諸行無常一切空卽是如來大圓覺決定說
表真乘有人不肯任情銜直截根源佛所印摘

葉尋枝我不能摩尼珠人不識如來藏裏親收
得六般神用空不空一顆圓光色非色宗亦通
說亦通定慧圓明不滯空非

但我今獨達了河沙諸佛體皆同

寒山子雜詩 其一

重巖我卜居鳥道絕人迹庭際何所有白雲抱
幽石住茲凡幾年屢見春冬易寄語鐘鼎家虛
名定何益

其二

可笑寒山道而無車馬蹤聯溪難記曲疊嶂不

知重泣露千般草吟風一樣松此時迷徑處形
問影何從

其三

欲得安身處寒山可長保微風吹幽松近聽聲
愈好下有斑白人喃喃讀黃老十年歸不得忘
却來時道

其一

山中何太冷自古非今年沓嶂恒凝雪幽林每
吐煙草生芒種後葉落立秋前此有沈迷客窺

窗不見天

其五

城中娥眉女珠珮何珊珊鸚鵡花前弄琵琶月
下彈長歌三月響短舞萬人看未必表如此笑
蓉不耐寒

其六

吾家好隱淪居處絕囂塵踐草成三徑瞻雲作
四隣助歌聲有鳥問法語無人今日娑婆樹幾
年爲一春

其七

琴書須自隨祿位用何爲投輦從賢婦巾車有
孝兒風吹曝麥地水溢沃魚池常念鶴鷓鳥安
身在一枝

其八

鸚鵡宅西國虞羅捕得歸美人朝夕弄出入在
庭幃賜以金籠貯局哉損羽衣不如鴻與鵠颺
颺入雲飛

其九

家住綠岩下庭蕪更不芟新藤垂繚繞古石豎
巉岩山菓獼猴摘池魚白鷺銜仙書一兩卷樹
下讀喃喃

其十

茅棟野人居門前車馬踈林幽偏聚鳥溪澗本
藏魚山菓携兒摘臯田共婦鋤家中何所有惟
有一牀書

其十一

登陟寒山道寒山路不窮谿長石磊磊澗澗草

濛濛苔滑非關雨
松鳴不假風
誰能超世累
共坐白雲中

其十二

獨卧重巖下
蒸雲晝不消
室中雖踰髮
心裏絕喧囂
夢去遊金闕
魂歸度石橋
拋除鬧我者
歷歷樹間瓢

其十三

相喚採芙蓉
可憐清江裏
遊戲不覺暮
屢見狂風起
浪捧鴛鴦兒
波搖鸕鶿子
此時居舟楫
浩

蕩情無已

其十四

出生三十年
常遊千萬里
行江碧草合
入塞紅塵起
鍊藥空求仙
讀書兼詠史
今日歸寒山
枕流以洗耳

其十五

以我栖遲處
幽深難可論
無風蘿自動
不霧竹長昏
澗水緣誰咽
山雲忽自屯
午時庵內坐
始覺日頭暎

其十六

今日岩前坐坐久
煙雲收一道清溪冷
千尋碧嶂頭白雲
朝影靜明月夜光浮
身上無塵垢心中那更憂

其十七

花上黃鶯子間關聲可憐
美人顏似玉對此弄
鳴絃翫之能不足
春戀在齷年花飛鳥亦散
灑淚春風前

其十八

歲去換愁年春來物色鮮
山花笑綠水巖樹舞
青煙蜂蝶自云樂
禽魚更可憐
朋遊情未已徹
曉不能眠

其十九

一向寒山坐淹留
三十年昨來訪親友
大半入黃泉
漸滅如殘燭
長流似逝川
今朝對孤影不覺髮雙懸

其二十

徒閉蓬門坐
頰過歲月遷
惟聞人作鬼
不見鶴

成仙念此那堪說隨緣須自憐迴瞻郊郭外古
墓犁爲田

其二十一

層層山水秀煙霞鎖翠微嵐拂紗巾濕露霑
草衣足躡遊方履手執古藤枝更觀塵世外夢
境復何爲

其二十二

誰家長不死死去亦何均始憶七尺軀俄成一
聚塵黃泉無日曉青草有時春行到傷心處松

風愁殺人

其一十三

吐擇幽居地天台更莫言猿啼谿霧冷嶽色草
門連竹葉覆松室開池引澗泉已甘休萬事採
蕨度殘年

其二十四

時人尋雲路雲路杳無蹤山高多嶮峻澗澗少
玲瓏碧嶂前兼後白雲西復東欲知雲路在雲
路在虛空

其二十五

山客心悄悄常嗟歲序遷辛勤采芝朮搜斥詎
成仙庭廓雲初卷林明月正圓不歸何所為桂
樹相畱連 十四

其二十六

有雲餐霞子其居諱俗遊論時實蕭爽在夏亦
如秋幽澗常瀝瀝高松風颼颼其中半日坐忘
却百年愁 十三

其二十七

我見世間人茫茫走路塵不知此中事將何為
去津榮華能幾日眷屬片時親縱有千斤金不
如林下貧 十一

其二十八

去年春鳥鳴此時思弟兄今年秋菊爛此時思
發生綠水千場咽黃雲四面平哀哉百年內腸
斷憶咸京 十

其二十九

我聞天台山中其樹永言欲攀上莫繞石

橋路緣此生悲歎幸居將已暮今日觀鏡中颯
颯髮垂素

其三十

寒山栖隱處絕得世人過時逢林內鳥相共唱
山歌瑞草聯谿谷老松枕嵯峨可觀無事客憩
歇在岩阿

其三十一

寒巖深更好無人行此道白雲高岫閒青嶂孤
猿嘯我更何所親暢志自宜老形容寒暑遷心

珠甚可保

其三十二

欲向東巖去于今無量年昨來扳葛上半路困
風煙徑窄衣難進苔粘履不前任茲丹桂下且
枕白雲眠

其三十三

白雲高嵯峨綠水蕩潭波此處聞漁父時時鼓
棹歌聲聲不可聽令我愁思多誰謂雀無角其
如穿屋何

其三十四

千雲萬水間中有一間
士白日遊青山夜歸岩
下睡倏爾過春秋寂然
無塵累快哉何所依靜
若秋江水

其三十五

高高峰頂上四顧極無邊
獨坐無人知孤月照
寒泉泉中且無月月自在
青天吟此一曲歌歌
中不是禪
其三十六

自羨山間樂逍遙無倚托
逐日養殘軀閒思無
所作時披古佛書往往
登石閣下窺千尺崖上
有雲盤礴寒月冷颼颼
身似孤飛鶴
其三十七
棲遯寒岩下偏訝最幽奇
携籃採山茹挈籠摘
菓歸蔬齋敷茅坐啜啄
食紫芝清沼濯瓢鉢雜
和煮稠稀當陽擁裘坐
閒讀古人詩

七言雜詩

一任寒山萬事休更無雜念掛心頭
閒于石壁

題詩句任運還同不繫舟念世心應問于百壘

其三 雜詩

余家本住在天台雲路煌深絕客來千仞巖巒
深可遯萬重谿澗石樓臺紫芝散部對標檢
數拾得詩不計焉是幽谷熱盈林山故罕
君見月光明照燭四天下圓輝掛太虛瑩淨能
瀟灑人道有虧盈我見無衰謝狀似摩尼珠光
明無晝夜古洲舊寺登不闕下與千尺巖上
日美又聞樂處無無清林恣日養數
思無

迢迢山徑險萬仞復多危石橋莓苔綠時見片
雲飛瀑布懸如練月影落潭輝更登華頂土猶
待孤鶴期

風雪峰義存祖師偈

天色晴明綠嶂分色身趨背底辛勤法門雲悟
無生指萬里虛空絕點雲

自述雲采巖坐

思量未到雪峰時愛把浮生取次疑及至法門
非法法到頭無我亦無師

永明延壽禪師亦上堂

孤猿叫落中巖月野客吟殘半夜燈此境此時
誰得意白雲深處坐禪僧

無歸宗芝禪師空結菴絕頂

千峰頂上一間屋老僧半間雲半間昨夜雲隨
風雨去到頭不似老僧閒

法昌遇禪師上堂語

春山青春水綠一覺南柯夢初足携筇縱步出
松門是處桃英香馥郁因思昔日靈雲老三

年來無處討如今競愛摘楊花紅香滿地無人
掃

石倉十二代詩選

唐卷之九十八

終

歷代詩選

唐法昌禪師

卷之六十八

可合十年升藉殿

唐卷之六十八



唐法昌禪師

程